

Lé Grand Jour par Amelia Perchard

Mémée m'emm'nit en ville l'aut' jour  
Et m'acatit des braies,  
Un bianchet auv' des jaunes boutons  
Et eune pathe dé soulièrs.

J'eus des créyons et un p'tit livre,  
Eune cravate et des gants,  
Et eune castchette - ma toute preunmiéthe -  
Avec man nom dédans.

Ch's'sa un grand jour pour mé, valet,  
J'vos dis qu'j'en sis tout fyi  
Dé penser qu'à la fîn j' sis grand -  
Qué j'c'menche l'êcole lundi!

Go to the Learn Jèrriais website to find the audio version of this...

[www.learnjerriais.org.je](http://www.learnjerriais.org.je)

